



KEMENTERIAN KERJA RAYA

MALAYSIA

KENYATAAN MEDIA

2 PROJEK NAIK TARAF DAN RM5.2JUTA PERUNTUKAN SENGGARA LEBUHRAYA PASIR GUDANG (FT17) JOHOR UNTUK KESELESAAN DAN KESELAMATAN PENGGUNA

Kementerian Kerja Raya mengambil berat terhadap isu keselamatan dan keselasaan pengguna jalan raya di Lebuhraya Pasir Gudang (FT17) yang telah mendapat perhatian baru-baru ini. Menteri Kerja Raya, YB Dato Seri Alexander Nanta Linggi telah meninjau sendiri perkembangan kerja naik taraf dan penyenggaraan jalan tersebut.

Untuk makluman, terdapat **dua (2) projek menaik taraf** di laluan tersebut telah diluluskan di bawah pelaksanaan Jabatan Kerja Raya (JKR) Malaysia secara berfasa iaitu Projek Menaiktaraf Lebuhraya Pasir Gudang (FT17) Johor daripada Empat (4) Lorong kepada Enam (6) Lorong, **Fasa 2B** dan **Fasa 3**.

Fasa 2B iaitu dari Persimpangan Bandar Seri Alam / Taman Rinting ke Persimpangan Pasir Gudang berada di dalam peringkat pembinaan, projek yang dilaksanakan secara Reka dan Bina dijangka siap pada Oktober 2025. Manakala bagi Fasa 3, iaitu dari Persimpangan Bertingkat Perling hingga ke susur naik Lebuhraya Utara Selatan pula telah diluluskan di bawah *Rolling Plan 3*, Rancangan Malaysia Ke-12 (RP3, RMKe-12) dan kini berada di peringkat perancangan bagi pengesahan skop dan kos projek.

Bagi memastikan pelaksanaan projek ini mengambil kira pandangan dan kepentingan semua pihak berkaitan, maka pengesahan skop dan kos projek akan melalui proses Pengurusan Nilai (*Value Management*) bersama pihak Kementerian Ekonomi serta melibatkan pelbagai Agensi dan stakeholder termasuk Agensi di peringkat Negeri serta syarikat utiliti. Makmal Pengurusan Nilai peringkat Kajian Nilai bagi projek Fasa 3 dijangka akan dilaksanakan pada Ogos 2023.

Unit Komunikasi Korporat | Kementerian Kerja Raya Malaysia

WWW.KKR.GOV.MY PRO@KKR.GOV.MY KEMENTERIAN KERJA RAYA KKR.MALAYSIA @MOWORKS KEMENTERIAN KERJA RAYA OFFICIAL

Tel : 03 8000 8000 / D.L : 03 2771 4616 / 4627 | Faks : 03 2711 1101

Jalan Sultan Salahuddin,
50580 Kuala Lumpur



KEMENTERIAN KERJA RAYA

MALAYSIA

KENYATAAN MEDIA

Kerja-kerja menaik taraf laluan FT17 bagi kedua-dua Fasa 2B dan Fasa 3 ini akan melibatkan pelebaran jalan sepanjang 12.5 kilometer termasuk membaik pulih dan menaik taraf struktur flyover, jambatan dan jejantas sedia ada. Projek ini juga merupakan kesinambungan daripada projek menaik taraf Fasa 1 yang telah siap pada 2016 dan Fasa 2A yang siap pada 2018.

Pelaksanaan projek menaik taraf FT17 secara keseluruhan akan membantu penyuraian trafik terutama pada waktu puncak, di samping memberi manfaat kepada pengguna jalan raya yang berulang-alik ke kawasan perindustrian, pusat pentadbiran Kota Iskandar serta penduduk di taman-taman perumahan di sepanjang laluan tersebut.

Selain itu, kerja-kerja **penyenggaraan jalan** yang merangkumi skop kerja penyenggaraan rutin serta pembaikan berkala pavemen dan jambatan turut dilaksanakan untuk keselesaan dan keselamatan pengguna jalan raya. Kerajaan telah meluluskan peruntukan sebanyak RM107.34 juta untuk kerja-kerja penyenggaraan jalan bagi keseluruhan laluan persekutuan di Negeri Johor bagi tahun 2023 dan kira-kira **RM5.24juta** daripadanya adalah **khusus untuk kerja-kerja senggaraan di laluan FT17**.

Dalam hal ini, Kementerian Kerja Raya dan Jabatan Kerja Raya sentiasa komited di dalam memastikan aset infrastruktur negara dapat diuruskan dengan optimum.

KEMENTERIAN KERJA RAYA

8 MEI 2023

Unit Komunikasi Korporat | Kementerian Kerja Raya Malaysia

✉ WWW.KKR.GOV.MY ✉ PRO@KKR.GOV.MY ✉ [KEMENTERIAN KERJA RAYA](#) ✉ [KKR_MALAYSIA](#) ✉ [@MOWORKS](#) ✉ [KEMENTERIAN KERJA RAYA OFFICIAL](#)

Tel : 03 8000 8000 / D.L : 03 2771 4616 / 4627 | Faks : : 03 2711 1101

Jalan Sultan Salahuddin,
50580 Kuala Lumpur